



Synfocity = 971

mail us at : mzsynfo@gmail.com; mizoramsynod@gmail.com - Phone - 2314648

February 6, 2025

❑ **SL&PB buatsaih lekhhabu thar 'Bible Thu Hlawmte' tih chu tlangzarh a ni**

February 4, 2025 (Thawhlejni) chawhma khan Synod Office, Devotion Hall-ah Synod Literature & Publication Board (SL&PB) buatsaih 'Bible Thu Hlawmte (Topical Bible)' tih chu Rev. R.C. Lalnghakliana, Synod Moderator-in a tlangzarh.

Tlangzarh inkhawm hi Rev. Dr. K. Lallawmzuala, Executive Secretary i/c SL&PB-in a kaihrui a, Rev. R.C. Lalnghakliana, Synod Moderator chuan lekhhabu thar chu a chhiartu apiangten Thlarau lamah hlawkna an hmuh theuh theihna tura tlangzarhin, Pathian hnenah tawngtaiin a hlan. Rev. P.B. Zosaphara, SL&PB Editor-in inhmelhriattirna neiin, lekhhabu buatsaih dan leh a nih phung tlangpui a sawi a. Kum 2013 October thlaa SL&PB Board Executive Committee (BEC)-in Topical Bible Concordance siam a rawtna chu SL&PB committee-ah a thlen a. SL&PB Committee chuan rawtna chu pawmin, hma la zui turin BEC chu a ruat leh a. BEC chuan bawh zui turin Sub-Committee a din a ni. Kum 2022 May thlaa SL&PB BEC thu khawm chuan Topical Bible Concordance Project chu thar thawh leh a rel a, a project hming pawh 'Bible Thu Hlawmte' tih a ni a. A buaipui tur hian Upa C. Lalbiaknunga, Durtlang North chu ruat niin, ani hian lehlin leh thil tul dang zawng zawng chu a buaipui ta a ni.

'Bible Thu Hlawmte' hi Orville J. Nave-a buatsaih Nave's Topical Bible behchhana siam a ni a, phêk 2244-a chhah a ni a, thumal/thu hlawm thlûr bing (entry word) hi 4,628 a awm a, thumal (word) awm zawng zawng hi 15,37,759 a ni bawk. Bible Thu Hlawmte (Topical Bible) hi Mizo tawnga kan la neih loh a ni a, lekhhabu rotling leh tawngkai, rawngbawltute leh Pathian thu hriat fiah leh zual duhte tana belhfakawm a nih a rinawm.

Topical Bible hi ₹ 1,200/- man a ni a, Synod Bookroom-ah lei theihin a awm.

❑ **Synod Ramthar Board vawi 185-na an thu**

February 5, 2025 (Nilaini) chawhma dar 10 khan Synod Ramthar Board meeting vawi 185-na chu J.M Lloyd Hall, Synod Office-ah an thu a, member 86 an kal.

Meeting hi Synod Moderator, Rev. R.C. Lalnghakliana'n a kaihrui a, hming lamna neih a nih hnuah Rev. R. Lalhmingsanga, Board Secretary-in report a pe a, Mizo Zaimi Inzawmkhawm (MZI)-in Rimawi Award 2024 a buatsaiha Synod Mission Choir-in Best Choir Award an dawn thu te, Siliguri Mission Field-a Craft Centre, 8th Mile Lamahatta atanga Kalimpong-a sawn a nih thu te, Mission Field-a bial thar pali hawn a nih thu te, Presbyterian Hindi Bible School-a zir tur lak a nih thu te, Tentmaker Missionary lak a nih thu te leh kum 2024 chhunga Mission Field hrang hranga belhtu thar 8327 an awm thu te tarlan a ni.

❑ **Synod Hospital Board vawi 150-na an thu**

February 6, 2025 (Ningani) chawhma dar 10 khan Synod Hospital Board meeting vawi 150-na chu J.M Lloyd Hall, Synod Office-ah an thu a, member 44 an kal.

Meeting hi Synod Moderator Rev. R.C. Lalnghakliana'n a kaihrui a, hming lamna neih a nih hnuah Dr. R.L Sanghluna, Secretary-in report a pe a. Report-ah hian Synod Hospital Centenary puala Building thar sak tur lungphum phum a nih thu te, Synod Hospital Board-in hotu thar a ruatten an hna an zawm tawh thu te, Synod Hospital Board thu rel hrang hrang bawhzui a nih thu te, April 2024 - January 2025 chhunga damlo 293 te tana charity peksak zat ₹ 40,69,030/- a nih thu te leh January 2025 chhunga thilpek hrang hrang an dawn thu te tarlan a ni.

❑ **KTP**

January 30-2 February, 2025 chhunga ECM KTP Inkhawmpui vawi 63-na, New Laty-a neihah Central KTP aiawhin T.Upa Rinsailova Sailo, Treasurer leh Nl. F. Lallianzuali, Committee member te an kal.

❑ **Worship**

February 6, 2025 (Ningani) zan hian Tlangnuam Vengthlang Kohhranah Zai hrui training neihpui turin Pu Benjamin Sailo, Music Instructor a kal ang.

❑ Social Front

February 4, 2025 (Thawhlejni) chawhnu dar 1:30 khan SAD Conference Hall-II, MINECO-ah Social Welfare, Tribal Affairs & Women and Child Development Department huaihawtin National Commission for Scheduled Tribe hotuten Mizoram an rawn tlawh tur denchhenin Kohhran hrang hrang aiawhte inhmukhawmna neih a ni a. He hunah hian Scheduled Tribe Kristian-ten hamthatna dawn tur ang kan dawn loh thu te leh Kristiante nekchep kan nih dan te sawi ho a ni a, National Commission lo kal hunah pawh Kohhran hrang hrangte pheikhai rual taka ke pena hma lak dan tur sawi ho a ni bawk. He inhmukhawmnaah hian Synod aiawhin Pu Albert Lalhmangaiha, Asst. Co-ordinator, Synod Office leh Pi Lalbiaktluangi, Superintendent, Hmangaihna In te an tel a ni.

❑ Bial Hmeichhe Inkhawmpui

February 7-9, 2025 chhung hian Bial hrang hrangah Bial Hmeichhe Inkhawmpui neih a ni dawn a. February 7 (Zirtawpni) zanah Palai lawm leh report inkhawm a awm ang a, Inrinni nilengin Rorel a ni ang a. Inrinni zan atanga Pathianni zan thlengin vantlang Pathian Biak inkhawm a awm ang.

Inkhawmpui hman dan tur hi Bial Hmeichhe Committee-in ngaihtuahin a remchan dan anga hman thin a ni a, chuang chuan bial hrang hranga inkhawmpui hman dan pawh a inang vek lo va, Bial thenkhatah thupui thlan bik neiin speaker ten an sawi thin a, bial thenkhatah chuan bial hruaituten an insawi chhawk chang pawh a awm thin. Kristian Chhungkua leh Buhfaihamana inelna lawmman hrang hrang sem thin a ni bawk.

Bial Kohhran Hmeichhe Inkhawmpui hmanpuiin Central Committee member-te hmun hrang hrangah hetiang hian an kal ang:

Sihfa Bial	Pi R. Lalrempuii, Finance Secretary Pi J.C. Ronghaki, Committee member
Lawngtlai Chanmari Bial	Pi Lalchhingpuii, Committee member Pi Saihtuamluui, Committee member Pi Lalrammawii, Committee member
Thaidawr Bial	Pi R. Lalnuntluangi, Committee member Pi C. Thanthiangi, Committee member Pi Lalthangmawii, Committee member

❑ Mizoram Christian College (MCC)

♦ Mizoram Christian College, Vice Principal ni lai Dr. Lalthansanga C. chu Mizoram University hnuai a thawh tak avangin MCC Governing Board vawi 36-na chuan MCC Vice Principal atan Dr. Benjamin Lalfakzuala, Assistant Professor, Department of Political Science chu a ruat a. Vice Principal mawhpurhna hi February 1, 2025-January 31, 2027 chhung a chelh ang.

♦ Mizoram Christian College chuan kum tina an tih thin angin January 29-February 1, 2025 chhung khan 'Rural Expedition' neiin Khawbelah hun an hman a. Rural Expedition hi 6th Semester Arts zirlaite tana buatsaih a ni a, zirlaite chuan thingtlang nun dan zirin loah an feh a, hna chi hrang hrang an thawk thin. Khawbelah pawh hian YMA hnatlangah te thawk chhuakin, thing eh, mau chik, hlo thlawh leh thil dang tam tak an zir a ni.

Rural Expedition 2025-a kalte hi Khawbel Presbyterian Kohhran chuan lo mikhualin thlen in an lo siamsak a, zirlai 39 leh zirtirtu panga an kal thei a ni.

♦ Mizoram University chuan nikum kum tawpa Odd Semester Exam Result a tichuak a, hetah hian Mizoram Christian College pawh a ti tha pawlah a tel a. Result tlangpui chu hetiang a ni:

MCC zirlai exam zawng zawng zat 292 atangin 239 (81.85%)-in an pass a. National Education Policy (NEP) hnuai Arts Streams-ah 1st leh 3rd Semester exam-a MCC pass percentage chu 83.78% a ni a, hetah bik hian MCC hi Mizoram pumah Pahnihna an ni. Tin, Commerce Stream-ah pawh MCC pass percentage hi 86.27% niin; Mizoram University hnuai Commerce zirna College pariat zingah Pahnihna an ni. MCC zirlai Arts 3rd Semester leh BBA 5th Semester exam zawng zawngte an pass vek bawk.

❑ Synod Mission Board

♦ Patna Mission Field

February 2, 2025 (Pathianni) belhtu thar pathum an awm.

♦ Odisha Mission Field

February 2, 2025 (Pathianni) khan belhtu thar pathum an awm.

◆ **Jharkhand Mission Field**

February 2, 2025 (Pathianni) khan belhtu thar panga an awm.

◆ **Karbi Anglong Mission Field**

February 2, 2025 (Pathianni) khan belhtu thar panga an awm.

◆ **Nepal Mission Field**

February 2, 2025 (Pathianni) khan belhtu thar pathum an awm.

◆ **Home Mission North**

February 2, 2025 (Pathianni) khan belhtu thar pahnih an awm.

◆ **Arunachal & Assam Mission Field (West)**

February 2, 2025 (Pathianni) khan belhtu thar pakhat a awm a, kohhran dang atangin kan kohhranah mi pakhat a rawn inpe bawk.

□ **FM Zoawi - Aizawl & Lunglei : Hruaina Eng Radio Programme**

February 7, 2025 (Zirtawpni) @ 7:30 p.m. :

Solo : Rebek Vanlalpeki Sailo - Hmangaihna lang chhuak, **Zaipawl :** Thingsulthliah Bial Zaipawl - Lalber i ni, **Discussion :** COLEGAS Group - Kumtharah engtin nge, **Solo :** Elizah Lalrinawma - Vahvaihna thlaler, **Rawngbawlna Reports**

□ **Hruaina Eng TV Programme**

06.2.2025 (Ningani) 8:30 pm : Thupui zir bing
07.2.2025 (Zirtawpni) 5:00 pm : Kristian Naupang Pual
08.2.2025 (Inrinni) 5:30 pm : Puitling Sunday School Zirlai
09.2.2025 (Pathianni) 8:00 am : Weekly round up
 5:30 pm : Su Samachar Prasaran
10.2.2025 (Thawhtanni) 8:30 pm : Hruaina Eng luang chhuak - Rev. Lalchungnunga
11.2.2025 (Thawhlelni) 6:00 pm : Nilai zan thupui
 8:30 pm : Kohhran Chanchin - Tanhril Kohhran

□ **Moderator leh Executive Secretary-te Programme:**

Rev. R.C. Lalnghakliana : Moderator

February 7-9, 2025 Phainuam Bial Kohhran Hmeichhe Inkhawmpui

February 14, 2025 Worship BEC

Rev. V.L. Luaia Hranleh : Senior Executive Secretary

February 8-9, 2025 Dawrpui Bial Kohhran Hmeichhe Inkhawmpui

February 10-12, 2025 Council of Churches in Mizoram, Executive Committee - Siaha

February 14, 2025 Theological Education Board

February 16, 2025 Luangmual Kohhran

Rev. Dr. K. Lallawmzuala : Executive Secretary

February 7-9, 2025 Kawnpui Chhimveng Bial Kohhran Hmeichhe Inkhawmpui

February 11, 2025 Council of Churches in Mizoram, Executive Committee - Siaha

February 14, 2025 Hmangaihna In

February 15-16, 2025 TBZ Inkhawmpui, Chaltlang Kohhran

Rev. Dr. Rosiamliana Tochwawng : Executive Secretary

February 14, 2025 Home Mission North Committee leh Worship BEC

February 13-a Synod Finance Committee-ah Moderator leh Executive Secretary-te an tel ang.

SIKULPUI ADMISSION 2025 -2026

Pawl 2 - Pawl 7 : Dilna Form lak chhuah hun - February 17 - March 4, 2025 (10:00 am-2:00 pm)
 List tar chhuah hun - March 5, 2025 2:00 pm
 Admission tih hun - March 6, 2025

Note: 'B' Pawl, Pawl 1 & Pawl 8 atan Admission hawn a ni lo.

Sd/-
 Headmaster,
 Sikulpui Phone: 9436152024

RAWNGBAWL HNA RUAK DIL THEIH

A hnuiaia tarlan rawngbawl hna hrang hrangte hi Mizoram Presbyterian Kohhran hnuiaia a ruak a. Mizoram Presbyterian Kohhran mi, rawngbawl tura Pathian kohna hria, kum 18-35 inkar, ni 26.3.2025- a kum 18 tling tawh, kum 35 la pumhlum lo, zuk leh hmuam leh ruih theih thila fihlim ngei tan dil theih a ni. Dilna Form leh Tualchung Kohhran Confidential Report Form hi Synod Service Board Office, Aizawl leh Synod Office, Lunglei atangin ni 10.2.2025 (Thawhtanni) atangin lak theih a ni ang. Dilna hi Synod Service Board Office, Aizawl-ah theh luh tur a ni a, dilna form man ₹ 20/- a ni. Dilna form-ah hriat tur pawimawh tarlan a ni.

I. SYNOD HNUAIA THAWK TUR (Contract)

1. Hna hming: Office Assistant, Post - 6

Thiamna : HSLC of any recognised Board with at least CCC
Hlawh : Synod hnuiaia Office Assistant (contract) hlawh

2. Hna hming : Chowkidar, Post 1

Thiamna : Class VIII certificate holder
Hlawh : Synod hnuiaia Chowkidar (contract) hlawh

3. Hna hming : Peon, Post 1

Thiamna : Class VIII certificate holder
Hlawh : Synod hnuiaia Chowkidar (contract) hlawh

II. SYNOD HSS-A THAWK TUR (Contract)

1. Hna hming : Mizo Teacher, Post 1

Thiamna : Trained Graduate of any recognised university
Hlawh : Synod hnuiaia Trained Graduate (contract) hlawh

2. Hna hming : English Teacher, Post 1

Thiamna : Trained Graduate of any recognised university
Hlawh : Synod hnuiaia Trained Graduate (contract) hlawh

3. Hna hming : Laboratory Bearer, Post 1

Thiamna : HSLC of any recognised Board
Hlawh : Synod hnuiaia Lab. Bearer (contract) hlawh

III. P.C. GIRLS' SCHOOL-A THAWK TUR (Contract)

Hna hming : Zirtirtu, Post 4

Thiamna : Graduate with B.Ed & MTET-II
OR
Graduate with D.El.Ed & MTET-I & II
Hlawh : Synod hnuiaia Trained Graduate (contract) hlawh

Dil theih hun chungh : Ni 7.3.2025 (Zirtawpni) dar 3 p.m. thleng

Written test hun : Ni 14.3.2025 (Zirtawpni) Dar 10:00 a.m.

Interview hun : Ni 26.3.2025 (Nilaini) Dar 10:30 a.m.

Sd/-

(Rev. V.L. Luaia Hranleh)

Secretary

Synod Service Board

RAWNGBAWL HNA RUAK DIL THEIH

A hnuai tarlan rawngbawl hna hrang hrangte hi Mizoram Presbyterian Kohhran hnuai a ruak a. Mizoram Presbyterian Kohhran mi, rawngbawl tura Pathian kohna hria, kum 18-35 inkar, ni 28.3.2025- a kum 18 tling tawh, kum 35 la pumhlum lo, zuk leh hmuam leh ruih theih thila fihlim ngei tan dil theih a ni. Dilna Form leh Tualchung Kohhran Confidential Report Form hi Synod Service Board Office, Aizawl leh Synod Office, Lunglei atangin ni 10.2.2025 (Thawhtanni) atangin lak theih a ni ang. Dilna hi Synod Mission Board Office, Aizawl-ah theh luh tur a ni a, dilna form man Rs. 20/- a ni. Dilna form-ah hriat tur pawimawh tarlan a ni.

I. SYNOD MISSION BOARD HNUAIA THAWK TUR (Contract)

Hna hming : Missionary, mi 50
Thiamna : Class VIII certificate holder leh a chunglam
Hlawh : Synod hnuai Contract hlawh

II. MASIHI SANGATI HNUAIA THAWK TUR (Contract)

Hna hming : Evangelist, mi 13
Thiamna : Hindi / Bengali tawng thiam
Hlawh : Synod hnuai contract hlawh

Dil theih hun chung : Ni 7.3.2025 (Zirtawpni) dar 3 p.m. thleng
 Written test hun : Ni 15.3.2025 (Inrinni) Dar 10:00 a.m.
 Interview hun : Ni 28.3.2025 (Zirtawpni) Dar 10:30 a.m.

Sd/-
 (Rev. V.L. Luaia Hranleh)
 Secretary
 Synod Service Board

SYNOD H.S.S CLASS - IX ADMISSION NOTICE (2025-26)

Application form can be obtained from the school office from 27th January, 2025 during office hours (9:00 am - 3:00 pm).

1. Last date of submission : 21st February, 2025 (Friday) upto 3:00 pm
2. Entrance Test : 4th March, 2025 (Tuesday) from 10:00 am - 1:00 pm
3. Subjects for test : English - 40, Mathematics - 40 & General Knowledge - 20 Marks
(*English & Mathematics from Class-VIII course*)
4. Publication of result : 13th March, 2025 (Thursday) 10:00 am
5. Date of admission for selected candidates : 17th & 18th March, 2025 (10:00 am - 3:00 pm)
6. Local Church's acknowledgement Letter (Kohhran Lehkha) to be attached for applicant residing outside AMC area.

Sd/-
 (K. Lallianzuala)
 Principal
 Synod Higher Secondary School

